

En il focus tar la pcd: Sport e turissem

Orientaziuns e decisiuns a San Murezzan

■ (cp) **La radunanza da delegads da la pcd grischuna ha gi lieu a San Murezzan. Ins haja qua tras – tenor il president Stefan Engler – vuli mussar che i na dettia la pcd dal Grischun be sulet a Cuira. En il center da l'inscunter èn stadas: Grondas occurrenzas sportivas e lur muntada economica.**

Ord vista grischuna èn quai: il Campiunadi mundial da skis 2017 a San Murezzan ed il Campiunadi per mountainbikers a Lai.

Pro Campiunadi 2017 ed Olimpia 2026

David Schaltegger, schef da medias, ha orientà dal Campiunadi alpin da skis da l'auter onn a San Murezzan che haja en quest lieu gronda tradiziun. Il final saja era da promover la durabladad.

Deputà *Remo Cavegn* preschenta als delegads l'Olimpia 2026. El ha rendì attent a las schanzas da quella per il Grischun. I na saja nagin sfurzim, ma bain tut in auter project che 2013. Era las cundiziuns generalas èn autras. Garantì èsi che gieus olimpics d'enviern vegnian realisads cun durabladad. Era la situaziun economica saja sa midada. Il concept da basa è vegnì inoltrà a la regenza. Quella preveda da resguardar be infrastructures existentas e plazz da sport ch'èn gia qua. Era l'infrastructura d'ordaifer il chantun duai vegnir nizzegiada.

Schanzas per il center da sport a Lai

A basa da l'evaluaziun tras la confederaziun èsi sa mussà – tenor deputà *Romano Paterlini* – che Lai saja il pli adat-

tà per in center naziunal da sport d'enviern. Tant l'infrastructura sco l'apertura e la situaziun centrala discurrivan persuenter. Quest sport saja da gronda muntada economica e da relevanza era per la sanadad. Suenten ch'il cussegl federal ha decidì da sistir il project ple-descha deputà Paterlini da far dapli squitsch per realisar quest center. Quai è era vegnì suttastritgà dals delegads cun prender ina resoluziun. En quella vegn t. a. postulà ch'il chantun e la vischnanca da Vaz/Lai sa participeschian activamain a la realisaziun da quel center naziunal da sport da naiv e che la confederaziun haja mess Lai sin plaz in dals lieus pussaivels.

Dà ora parolas

La suprastanza da la partida ha decidì in na a l'iniziativa che pretenda ina economia durabla cun pli effizientas resursas. Tenor cuss. naz. *Martin Candinas* è questa iniziativa cun sias pretensiuns extremas na realisabla. – Percunter ha la suprastanza ditg gea a la lescha per ils servetschs da novitads. Quai saja – segund cuss. dals stans *Stefan Engler* – necessari en vista a la situaziun mundiala smanatschanta. La lescha existenta saja anticipada e il terror islamistic in privel evident.

Fritz Nyfenegger, co-president da la pcd da San Murezzan, declera l'iniziativa «AVSplus: Per ina ferma AVS». El ha avertì che quella iniziativa pudessia periclitari acutamain las rentas da la AVS per las generaziuns vegnentas. Perquai è questa iniziativa vegnida refusada cleramain da la radunanza da delegads da la pcd.